

zu vorheisschen, zu gereden unnd zu globen, auch yre ingesigel neben das unser hiran zu hengen. Uff sulch gnediglich ansynnenn und beger, gereden und globen wir, burgermeister, rete und gemein der alden stad Bernburg, alle obengeschriebene stücke, puncte und artickel gantcz, stete, veste und volkomlich zu haltenn, die zinse auch alle iar ierlichenn uff das heilige nawe iar unvorzuglich an allen behelff unnd einrede zu geben und 5 zu bezalen, unnd wo wir daran fellig, uns deshalb sampt denn scheden mit geistlichenn ader weltlichen gerichtten ader sunst mit uffhaltenn nach yren und irer nachkomenn gefallen zu ermanenn. Unnd als sulcher kauff wie obengeschriebenn erblichen beslossen, vorwilliget unnd zugesaget gewest, haben oft bemelte probst unnd collegiaten unser liebenn frawen collegium zue Lipzig auß eigen bewegniss sich gein uns horen und ver- 10 nemen lassenn, so wir, unser erbenn und nachkomenn sulch zinse, sebenn guldenn Reinsch, widder von yn, yren nachkomenn widderkauffenn woltenn, so sollen wir die vor hundert Hungerssche guldenn ader ye acht und zwenzig silbernn grosschenn vor ein Hungersschen gulden zu bezalen, zu kauffen macht habenn, doch alzo, das wir yn ader yren nachkomen den kauff ein virtel iar vor dem nawen iare kuntlichen zuschriebenn, 15 unnd uff das nawe iar yn ader yren nachkomenn mit barem golde ader munze wie angezeigt, heuptsummen unnd zinse auch schaden unnd unkost, ap der daruff gegangen, zu ganzer gnuge bezalen, das wir zu sunderlichen gnadenn dangbarlichenn angenommenn unnd sulch ir erbietung in crafft ditz brieffs geinwirtiglichenn an uns des alzo zu haltenn. Unnd des zu warer urkunde unnd zu steter, vehister, unvorbrochlicher haltung, habenn 20 wir obegeschrieben fursten, her Georg, herr Ernst, herr Rudolff unnd herr Woldemare, alle furstenn zu Anhalt ꝛc. vor uns, unser erbenn, nachkomen unnd sunst, unser iglicher sein ingesigel, unnd wir, burgermeister, rete unnd gemein der aldenn stad Bernburg auch vor uns unnd unser nachkomenn unnser stadinsigel ann dissenn uffin brieff wissentlich unnd mit gutem vorstentnus thun hengenn, der gegebenn ist uff Bernburg nach Cristi 25 unnser hern geburt funffzehnhundert iare, uff sonntag invocavit in der heiligenn vastenn.

219.

*Heinrich Wolffram, Bürgermeister, Stephan Noeschk, Kämmerer, Matthias Gerlach, Vrosius Werth, Benedict Jhegir, Matthes Kanstdorff und Matthes Gotzschillitz, Rathmannen zu Delitzsch be-
kennen, daß sie an Dr. Wilhelm Haltenhof, Collegiaten im großen Colleg 30 Gulden jährlicher 30
wiederkäuflcher Zinsen für 500 Gulden Hauptsumme, die sie von ihm empfangen, verkauft haben,
welche Zinsen jedesmal in 2 Raten, 15 Gulden zu Michaelis und 15 Gulden zu Walpurgis, zu be-
zahlen seien.*

1501 Juni 22.

Hdschr.: Copiale des großen Collegs fol. 10—11.

Ann.: Vergl. hierzu Zarncke, urkundl. Quellen 739 No. 10.